

TE HEHEURAA API



DITEMA 1939

TE MAU API NO TE RAAU ORA

TE HITU O TE API

Ua faaitechia'tu te taivaraa rahi tei tupu i roto i te Ekalesia tei faatiahia e Iesu Mesia e ta'na mau aposetolo; i teie nei râ e fariu ê atu tatou i to tatou mau mata ma te oaoa, i te reira hi'oraa i te hape, te mârô e te anoi noa, e te peu no te mau orometua haavare, tei parai i te peni poiri i na hanere matahiti, no te hi'oraa'tu i te hoê mea nehenehe a'e.

Taua mau aposetolo faaurûhia ra, tei faaite ê mai na te faarueraa i te "e'a o te parau mau", ua parau atoa mai hoi ratou no te faaho'i-faahou-raa o te evanelia, te tuuraa mai i te evanelia no te tan hopea, e te upootiaraa o te basileia o te Atua i nia i te ao atoa nei. I muri a'e i to Ioane hi'oraa i te manaraa o te metua vahine o te mau ino i nia i te mau basileia atoa o te ao nei, ite atoa'tura oia i to'na haamou-roa-raa-hia. Ua haamatahia taua orama ra na roto i to'na iteraa i te hoê melahi no te ra'i mai, ma te evanelia mure ore no te mau fenua atoa, te mau nunaa atoa, te mau opu atoa, te mau reo atoa, e te mau taata atoa, e te reo i te piiraa mai, mai te ra'i mai, *A haere ê mai na outou i rapae, e au mau taata e, ia ore outou ia riro ei rave atoa i ta'na ra mau hara, ia ore outou ia pohe atoa i to'na ra mau pohe.*

Ua tia roa ia matou ia parau e, ma te papu, ua tae mai taua melahi ra ma te evanelia, e ua faaara taua reo ra i te mau nunaa atoa o te ao nei; e e poro-haere-faahou-hia te evanelia e te faaara-faahou-hia, na roto i te mana o te Atua, te mau nunaa, te mau opu e te mau reo atoa. Ua riro mau o Iosepha Semita ei mauhaa, i roto i te rima o te Atua, no te fariiraa i te parau oaoa e te faatereraa i te reira i roto i te ao nei. Eita te mau melahi e haere mai e poro haere te evanelia i te taata nei; ia haere mai ratou ra, e haere mai ratou no te afairaa mai i te mau parau i te taata tei ma'ihia, e na te reira taata e faaite atu i te reira i to'na mau taeae.

Noa'tu e, e ere te raveraa melahi i te mea pinepine, e tia i te mau taata atoa ia ite i to ratou papuraa na roto i te haapaoraa i te mau faaueraa i heheubia mai o tei peehia mai e te iteraa, no te ra'i mai, no to ratou parau mau e te tumu no te faaiteraahia mai. E i to Iosepha Semita maitiraahia no te fariiraa i te mau heheuraa, e tia i te mau taata atoa tei faaroo i te reira ia farii i te faaiteraa e, e parau mau tava parau ra e ua faatia-mau-hia taua ve'a ra ia faaite i te reira.

Area râ, te fariiraa i te evanelia, na roto i te raveraveraa o te mau melahi, o te hoê ia mea taa-ê, e te fariiraa i te mana no te poro-haere-raa i te reira, e te faatereraa i to'na mau oro'a, o te tahi ia mea ê. E tia i te hoê taata ia oaoa i te ite te maramarama e te heheuraa, e aita â hoi oia i farii i te mana no te raveraa i te hoê ohipa i roto i te i'oa o te Fatu. Aita o Iosepha Semita i farii i te mana no te raveraveraa o te mau melahi ana'e, ua farii atoa hoi oia i te mana no te faatereraa i te mau oro'a atoa no te evanelia, e aita oia i farii i te reira mana no ô mai i te taata ra. Mai tei faaitehia a'enei, ua reva ê atu na te reira no nia i te fenua nei i na tenetere e rave rahi i mairi ê na. Eita roa te reira e noaa faahou mai noa'tu te rahi o te ite. Eita roa e tia i te hoê haapiiraa teitei te hoê faatere ekalesia e a ore i te hoê tahu'a ia horoa'tu i te reira. Eita te faufaa atoa o te ao nei e navai no te hooraa i te reira; e eita e tae mai na roto i te hinaaro o te taata nei.

E mea nafea te reira i noaa'i ia Iosepha Semita? Te feia mo'a no te tau tahito, tei mau i te mau taviri no te mau tau tuuraa evanelia, ua ho'i mai ratou i raro i te fenua ei ve'a e faatoroa'tura ratou ia'na i te mau toroa tei mauhia e ratou i to ratou oraraa i te tino nei. O Ioane Bapetizo tei haere mai i te matamua, o oia tei taparahihia no te parau mau, e ua afai mai i te mau taviri no te Autahu'araa a Aarona e faatoroa'tura oia ia Iosepha Semita raua o Olive Kaudere i taua mana ra ma te horoa'tu i te mana ia poro i te evanelia no te tatarahapa e ia bapetizo i te taata no te haamatararaa i te hara. No te mea aita ta Ioane e mana no te horoaraa i te Varua Maitai a ora'i oia i nia i te ao nei, aita oia i rave i nia ia'na iho i te horoa'tu i te reira ia vetahi ê. I muri a'era tae maira o Petero, Iakobo e o Ioane, ma te taviri o te Aposetoloraa e to te Autahu'araa a Melehizedeka e no te îraa o te mau tau, e ua horoa'tura ratou i te reira ia Iosepha raua o Olive, ma te horoa'tu te mana ia faatoroa'tu i te tahi mau taata i taua mau toroa ra e ia tamanu i te feia faaroo na roto i te tuuraa o te rima no te horoaraa i te Varua Maitai.

Te vai ra i te Autahu'araa iti te mana no te raveraveraa

melahi
no. Te
tei Teite
to te pa
ata e ta
oia i rot

Ua fa
te Ekale
bapetizo
te mau l
faaite i
hia e ra
te au no
ohipa no
faatiaara

No rei
Ua rave
tei haapa
tua ra, t
parauhia
roto i t
i te mau
Ekalesia
tei pohe
tu te ma
te mata
ua mata
te taata
mo'a no
i te mah

E, i te
pi, ua ha
riri te m
to i te r
raa i nia
i roto e
ia faatup
i te mau
Area, ua
ua tuu m
faaitehia
hi roa te

E i rei
no te fa
rii e te a

melahi e te mana no te raverāa i te mau ohipa no te pae tino. Te vai ra i te Autahu'araa rahi te mana no te amuirāa i tei Teitei e no te raverāa i te mau mea atoa, to te pae tino e to te pae varua atoa, no te faaorāraa e te faateiteirāa i te taata e tae noa'tu e noaa ia'na te iterāa i te Atua e ia anaana oia i roto i te îraa o te mau ateributi o to'na Metua mure ore.

Ua faaho'ihia mai taia mana ra no te faatia-faahou-raa i te Ekalesia a Iesu Mesia; ia poro haere te evanelia mau; ia baptizo te feia faaroo tei tatarahapa no te haamatarāraa i te mau hara; ia tuu atu i nia ia ratou te Varua Maitai o tei faaite i te Metua e i te Tamaiti atoa hoi e to ratou fariirāhia e ratou; ia faataa e ia faatoroa i roto i te mau toroa atoa te au no te faaiterāa i te parau mau i te mau fenua atoa, te ohipa no te autahu'araa, te haamaitairāa i te Feia mo'a e te faatirāa i te faatererāa i te *Tino o te Mesia*.

No reira ua faatiahia te Ekalesia i teie nei mau tau hopea. Ua rave rahi te feia haehaa tei farii i te reira mau parau e tei haapao i te reira, e tei farii i te iterāa, no ô mai i te Atua ra, te parau mau no te reira. Ua pee te mau tapao tei parauhia e, e pee na muri i te feia faaroo. Ua parau ratou i roto i te reo êê, ua tohu, ua ite i te orama, ua taoto i te mau taoto nehenehe e ua farii i te mau horoāraa o te Ekalesia mai te feia mo'a i tahito ra. Ua faaorāhia te feia tei pohe i te ma'i na roto i te tuuraa o te rima, ua tiahi-ê-hia'tu te mau demoni, ua faaroo te taria turi e ua faaaraarahia te mata o te mau matapo, ua ou'aou'a te paruparu i te oaoa, ua matara te arero o te vava, e ua iritihia te ra'i i te mata o te taata nei, e ua faaea mai te Varua Maitai i nia i te feia mo'a no teie tau hopea, mai ta'na i rave i te tau tahito ra, i te mahana Penetekose ra.

E, i teie nei, ua ite ratou no ratou iho. Ua reva ê te tapitapi, ua haapurarahia te pōiri e ua rurutaina o Satane, e ua riri te mau orometua haavare, e i te tupuraa o te oaoa i roto i te ra'i no te evanelia i faaho'ihia mai e te haamaitairāa i nia i te ao nei, ua tamata te mau mana atoa no te ino, i roto e i rapae atoa hoi i te tino, ia tama'i i te parau mau, ia faatupu i te tama'i i nia i te feia tei faaroo e ia hamani ino i te mau tavini o te Atua e tae noa'tu i to ratou poherāa. Area, ua faaetaeta te Fatu i te rima o to'na ra mau taata e ua tuu mai i te maramarama o te ite no nia mai i te ra'i. Ua faaitehia mai te mau mea i hunahia i te matamua ra, e ua rahi roa te mau heheuraa tei horoahia i te Ekalesia.

E i reira tae maira o Elia te peropheta, tei mau i te taviri no te faafariuraa i te aau o te metua i to ratou mau tamarii e te aau o te mau tamarii i to ratou mau metua, ia tia ia

tuati-faahou-hia te avei o te fifi o te Autahu'araa tei motu i roto i te mau tau tahito, e ia itehia te ao varua e te mau taata i roto i te tino nei. I muri iho tae maira o Mose, te taata o te Atua e te mau taviri no te haaputuputu-faahou-raa o Iseraela, ia tia ia amui-faahou-hia mai to'na toea tei haapurarahia, i nia i te fenna o to ratou hui tupuna. E ua fâ atoa maira o Gaberiela e o Raphaela e te tahi atu â mau ve'a mo'a, i to ratou iho taime, ma te afai mai i te mau taviri no ta ratou iho mau ohipa a vai ai ratou ei taata ora i nia i te ao nei, ia tia ia amuihia te mau mana atoa i nia i te upoo o te hoê noa iho taata, i roto i teie tuuraa evanelia hopea e te rahi, ia tia ia'na ia tuu atoa'tu i te reira i nia i te tahi atu tei maitihia e tei faataahia na roto i te varua o te heheuraa.

Ia hanahana te Atua i te ra'i teitei ! Ua mahiti te e'a afaro e te pirihaio e ua ore te mamu o te mau matahiti. Te parau mai nei o Iehova mai roto mai i te ouma o te mure ore, e te haere faahou mai nei i raro, te mau melahi, mai te vahi no te oaoa mau. Ua haamanu-faahou-hia te ravea e paruparau faahou ai te taata i Tei hamani ia'na. Te tamahanahana faahou nei te Varua Maitai e te heheu faahou nei, e te faaita faahou nei hoi oia. Te oaoa-faahou-hia nei te mau horoaraa no te ra'i mai, e e tia i te ao atoa nei ia faaroo i te parau oaoa. E faarahia te mau varua atoa. E noa'tu e na riro o Iosepha, te hi'o i maitihia, e e rave rahi te mau taeae tei riro ei maratiri no to ratou faaroo, e ua tafetafeta te ouma o to tatou metua vahine o te ao nei i te toto o te mau feia mo'a tei hamani-ino-hia, eita roa te Ekalesia tei faatia-faahou-hia, te parau mau tei heheuhia mai e rave-faahou-hia no nia i te ao nei, area râ, e haapararehia te reira e e rahi e tae noa'tu i te upootiaraa i nia i te piori e te ino e te hara, e e maue atu ai o Satane, e teie nei ao, tei tamâhia, e faakoronahia ia i te hanahana o to'na ra Arii, Iesu tei faatahinuhia, te Tamaiti hara ore a te Atua.

Papahia e C. W. Penrose, te haê Apocitolo

Faa'uhia e: reo Tahiti e K. R. Stevens

Peresideni Misioni

E teie nei, e tatarahapa outou, e e fariu mai, ia paraihia ta outou hara, ia itea mai te anotau hanmâru no ô mai i te aro o te Fatu ra; e ia tono mai oia ia Iesu Mesia, o tei haapaohia i mutaa ihora no outou: ei te ra'i hoi oia e parahi ai, e tae noa'tu i te tau e tia'i te mau mea atoa nei, ta te Atua i parau mai i te vaha o te mau peropheta mo'a atoa no'na mai te matamua mai â o teie nei ao. *Ohipa 3:19-21.*

Faaora
Mesia
te aha

A tu
parau

“E
taata n
i roto i
Mosia

“E e
tua, te
atoa m
ne i te

“Ua
Fatu,
E ite a
ra i Na
roa e t
ra i ta
na rim

“E i
mai e
ai au i
i faait
III Ne

“Ua
feia ra
te mau
o vau
9-11.

“Te
e o va
te Var
nei au
tatar
petizo
te At
zohia,

EDITORIALE

Te Hoe Faaora

② TEIE te ava'e tei haamana'ohia, e te paeau rahi o te ao Cherisetiano nei e, ei ava'e fanauraa ia o te Faaora. I te taime e fariu atu ai te mau taata atoa i nia i te Mesia ra, e hi'ohi'o rii ia tatou e, o vai mau Oia ra, e no te aha e mea tia ia haamana'o tatou Ia'na.

A tuu rii ana ia ite tatou e, e aha ta te Buka a Moromona parau no nia Ia'na ra:

"E haere mai te Atua iho i raro i rotopu i te tamarii a te taata nei, e faaora i to'na ra mau taata. No to'na parahiraa i roto i te tino nei, e parauhia'i oia te Tamaiti a te Atua". Mosia 15:1-2.

"E e mairihia to'na i'oa, o Iesu Mesia, te Tamaiti a te Atua, te Metua o te ra'i, e te fenua, Tei Hamani i te mau mea atoa mai te matamua mai â; e e mairihia to'na metua vahine i te i'oa ra ia Maria." Mosia 3:8.

"Ua pii hua te Varua e reo rahi, na ô atura, Hosana i te Fatu, te Atua teitei; te Atua hoi oia i nia i te ao atoa nei. * E ite atu ra hoi au i te oire ra o Nazareta; e i roto i te oire ra i Nazareta, i ite au i te hoê paretenia, e e mea nehenehe roa e te uono hoi oia. * E ua hi'o atura vau, e ite faahou atura i taua paretenia ra i te afairaa i te hoê tamarii i roto i to'na rima." I Nephi 11:6, 13, 20-21.

"E inaha, ua tae maira te reo o te Fatu ia'na, i te na ôraa mai e * ei teie nei rui e tupu ai te tapao, e ananahi e tae mai ai au i te ao nei, e faaite i to te ao nei e, e faatia vau i ta'u i faaite na roto i te vaha o ta'u mau peropheta mo'a ra." III Nephi 1:12-13.

"Ua faatoro a'era oia i to'na rima, e ua parau atura i te feia ra, i te na ôraa e: Inaha, o vau nei, o Iesu Mesia, o ta te mau peropheta i faaite mai e tae mai i te ao nei; e inaha, o vau te maramarama e te ora o teie nei ao." III Nephi 11:9-11.

"Tera ta'u ture, e o te ture ta te Metua i horoa mai ia'u; e o vau te faaite i te Metua, e o te Metua te faaite ia'u, e o te Varua Maitai te faaite i te Metua e ia'u atoa, e te faaite nei au e, te faaue ra te Metua i te taata i te mau vahi atoa ra ia tatarahapa e ia faaroo mai ia'u. E o te faaroo ia'u e te bapetizohia ra, e ora ia; e o te riro ia ei taata i te basileia o te Atua ra. E o te ore e faaroo mai ia'u, e te ore e bapetizohia, e faahapahia ia." III Nephi 11:32-34.

TE PARAU AUTAHU'ARAA

No te Ava'e TENUARE

TE MAU TAATA TUIROO O TE BIBILIA

A FAATANO I TEIE MAU UIRAA I NIA I TE
MAU TAATA TOA E HAAPIHIA

1. E peropheta anei oia ? 2. Ua tohu mai anei oia i te tahi mau to-
huraa ? 3. Ua tupu anei ta'na mau tohuraa ? 4. Eaha te huru o to'-
na maitiraahia ? 5. Eaha te mau ohipa i faataahia na'na ? 6. E mea
tia anei to'na raveraa i ta'na ohipa, e a ore râ, aita anei ? 7. Eaha
te tumu i na reira'i oia ? 8. Ua mauruuru anei te Atua ia'na ? No
te aha ? 9. Eaha te rê i roaa ia'na no to'na ora ? 10. Eaha te fau-
faa rahi no to'na ora ia tatou nei ?

Tenuare 7. ESETERA. Esetera 2:5-23; 3; 4; 5; 6; 7; 8:1-7.

Tenuare 14. RUTA. Buka a Ruta 1; 2; 3:4.

Tenuare 21. NAOMI. Buka a Ruta 1; 2; 3; 4.

Tenuare 28. A haapii atu i te parau na na Haapii Hahaere
no te ava'e i mua.

Na Te Mau Haapii Mahaere na te Mau Utuafare

TE HERE O TE OMUARAA IA O TE HAU

A haamata ana'e ai tatou i teie nei matahiti apî, aita pa-
ha tatou e haamana'o papu nei i te mea tei au roa no to ta-
tou ao i teie nei mahana ? A haapii ana'e tatou, te tahi i te
tahi, i te Here o te Mesia, peneia'e o te tupu mai te HAU i
rotopu i te mau taata atoa.

"Te na ô maira Iehova, Aitâ roa o te paieti ore ra e hau."
Isaia 48:22.

"Te riaria ra Iehova i te parau a te paieti ore: o tei titau râ
i te parau-tia ra, te here ra oia ia'na." Maseli 15:9.

"Ia hauhia to outou ia'u nei. E pohe to outou i teie nei ao."
Ioane 16:33.

"O te taata i hinaaro ei tavini no'u ra, a pee mai ia ia'u, na
tau Metua ia e utua mai ia'na." Ioane 12:26.

"E tuu atu vau i te parau apî na outou, E aroha outou ia ou-
tou iho, mai ia'u e aroha'tu ia outou na, e aroha atoa hoi ou-
tou ia outou iho. O te mea teie e ite ai te taata atoa e, e pipi
outou na'u, ia aroha outou ia outou iho." Ioane 13:34-35.

"Ia maitai â, ia mahanahana roa, ia hoê â aau, e parahi ma
te hau; e tia ia te Atua no'na te aroha e te hau i rotopu ia ou-
tou." II Korinetia 13:11.

E ore
atoa nei.

Mah

Para

E aro

E te
outou ia

A ta
Luka

Eial
te tau

Ua

m

Te

1.

p

2.

a

To

I

Ta

Ma

TE SOTAIETE VAHINE TAUTURU

No te Ava'e TENUARE

Irava tamau aau: II Timoteo 2:24

E ore hoi te tavini o te Fatu nei e tia ia mârô; ia mârû râ oia i te taata atoa nei, e te au hoi ia haapii ia vetahi ê, e te faaoromai maite i te ino.

Mahana Maha (Matamua)

Mahana iritiraa mana'o e te himene na te mau tuahine.

Parau tumu na na tuahine hahere: Te Nounou Ore.

E aroha'tu oe i to taata tupu, mai to aroha ia oe iho na. Mataio 22:39.

E te mau mea atoa ta outou i hinaaro ia vetahi ê ra, e na reira atoa'tu outou ia ratou; o ta te ture ia e ta te mau peropheta. Mataio 7:12.

A tai'o atoa i te parabole no te *Taata Samaria Maitai*.
Luka 10:30-37.

Eiaha e nounou, o te faaueraa tei horoahia mai no te feia te tauturu e te oaoa.

Mahana Maha (Piti)

Paulo te Orometua.

Ua riro o Paulo ei hoê no te mau Orometua rahi a'e no te mau tau atoa.

Te toru o to Paulo tere Misionare.

1. To'na a'oraa i te mau peresibutero i Ephesia. Ohipa pene 20.
2. Paulo i Ierusalema—To'na faaoraraahia i te rima o te ati Iuda. Ohipa pene 21.

Mahana Maha (Toru)

To Paulo parururaa ia'na iho i mua i te huiraatira. Ohipa pene 22.

Ta Paulo mau parau no te parururaa ia'na. Ohipa p. 24.

(Mahana Maha hopea.)

Mahana raveraa ohipa na te mau tuahine.

HAAPIIRAA SABATI

No te Ava'e TENUARE

PUPU PARAIMERE

Irava tamau aau: *Te Mau Tavana 16:28.*

E tau Fatu, e Iehova, e haamana'o mai oe ia'u, o ta'u ia pure ia oe i teie nei.

Tenuare 7. To Iapheta faaiteraa e te tupuraa no te reira. Te Mau Tavana pene 11.

Tenuare 14. E taata puai e to'na oraraa. Te Mau Tavana pene 13:24 e tae noa'tu i te 15:20.

Tenuare 21. Te poheraa o Samasona. Te Mau Tavana pene 16.

Tenuare 28. Hi'opoaraa.

PUPU PITI

Irava tamau aau: *Moromona 3:22*

E e hinaaro to'u ia faafariu mai i to te ao atoa nei e tae noa'tu i te mau otia faahopea ra o te fenua nei i te tatarahapa e te faaineine i te tia i mua i te haavaraa a te Mesia.

Tenuare 7. Te Buka a Moromona. Moromona pene 1.

Tenuare 14. E mau parau no te tama'i. Moromona pene 2.

Tenuare 21. E mau parau i to te ao atoa nei. Moromona pene 3.

Tenuare 28. Hi'opoaraa.

PUPU TORU e te MAHA

Irava tamau aau: *III Nephi 27:7*

E tena na, te mau mea atoa ta outou e rave, na outou ia e rave i to'u ra i'oa; no reira e paraubia'i te ekalesia i to'u ra i'oa: e e pure atu outou i te Metua i to'u i'oa, ia haamaitai, oia i te ekalesia no'u ra.

Tenuare 7. Ua tatara Iesu i te mau parau. III Nephi pene 26.

Tenuare 14. Te i'oa o te ekalesia. III Nephi pene 27.

Tenuare 21. Te hinaaro o te mau pipi. III Nephi pene 28.

Tenuare 28. Hi'opoaraa.

Aore e
parau-tia
Metua o

Ua fa
Mesia,
matahi

Tenua

Ta

Is

Io

ka

E

1:

xc

Tenua

27

m

6:

ne

Tenua

N

2:

1:

4

Tenua

D

I

L

re

2

4

TE FEIA API



NO TE AVA'E TENUARE

Irava tamau aau: *Ioane 5:30*

Aore e mea e tia ia'u iho ia rave; te faaau nei au i ta'u e faaroo nei; e parau-tia hoi ta'u; aita hoi au i imi i to'u iho hinaaro, o te hinaaro râ o te Metua o tei tonono mai ia'u nei ra.

Ua faaineineihia teie mau Haapiiraa no nia i te Oraraa o Iesu Mesia, na te Feia Api, no teie matahiti i mua nei, oia hoi, te matahiti 1940.

Tenuare 7. TE ORARAA E TE MAITIRAAHIA O IESU HOU OIA I TAE MAI AI I TEIE NEI AO. Apokalupo 12:7-9; Iuda 6; Isaia 14:12-15; Ioba 38:7; Salamo 25:14; Amosa 3:7; Ioane 1:1-3; I Ioane 1:1-3; 2:13, 14; 4:9; 5:7; Apokalupo 3:14; 19:13; II Timoteo 1:9, 10; Roma 16:25; Ephesia 1:4; 3:9, 11; Tito 1:2; Roma 3:25; I Petero 1:19, 20; Ioane 6:38, 51, 57, 61, 62; 8:58; 17:5, 24; Exodo 3:14; Ioane 16:28, 28; 17:3-5.

Tenuare 14. IA VAI TE HOÊ FAAORA E TIA'I. Genese 1:26, 27; 2:16, 17; I Timoteo 2:14; II Korinetia 11:3; Roma 5:12, 18; I Korinetia 15:21, 22; Ioane 4:34; 5:30; 6:38; 10:17, 18; 5:25, 28, 29; II Nephi 9:6-13; I Ioane 1:8; Hebera 5:9; Roma 2:6-9; 3:23.

Tenuare 21. TE ATUARAA O IESU HOU TO'NA ORA-TAHUTI-RAA NEI. Ioane 1:1-3; 1:41; 4:25; 8:58; Mataio 1:21, 23, 25; 17:5; Hebera 1:1, 2; Kolosa 1:16, 17; Isaia 6:8-11; Buka a Moromona: Helemana 14:12; Mosia 3:8; 4:2; Alama 11:39; III Nephi 9:15; 15:4, 5.

Tenuare 28. TE MAU TOHURAA NO TE TAERAA MAI O IESU. Deuteronomi 18:15-19; Ioane 1:45; Ohipa 3:22; 7:37; I Korinetia 5:7; Isaia 9:6, 7; 11:1, 10; 28:16; 40:9-11; Luka 1:26-33; Ieremia 23:5, 6; 33:14-16; Buka a Moromona: I Nephi 11, 12; 19:10; II Nephi 9:5, 6; 10:3; 25:12-14; 26; Mosia 13:33-35; 15:1-13; Alama 39:15; 40:1-3.

HAAPIIRAA PARAIMERE

No te Ava'e TENUARE

Irava tamau aau: *Maseli 15:1*

O te parau mārū ra tei faaore i te riri; area te parau faaooo ra, o te riri ia te tupu.

MAHANA MAHA MATAMUA

Te Parau-Tia

I te hoê mahana ani atura te hoê Initia ruau, i te hoê papaa o te amu ra i te monamona, ia horoa atoa mai te tahi nau monamona rii na'na. Tanao ihora te reira taata i roto i to'na pute e horoa maira i te monamona ma te hi'o ore. I te mahana i muri iho, ho'i atura te Initia no te imi i taua papaa ra, no te mea te parau ra oia e, "Ua ite au i te tahi moni i roto i te mau monamona ta'na i horoa mai." Parau maira te hoê taata i reira, "No te aha aita oe i tapea te reira na oe." Parau atura te Initia, ma te faatoro i to'na rima i nia i to'na ouma, "Te vai nei te hoê taata maitai e te hoê taata ino i o nei, e te parau nei te taata maitai e, 'E ere te reira i ta oe, a faaho'i atu i to'na l'atu.' Area, te taata ino ra te na ô noa ra ia, 'Eiaha e haapeapea ia oe, tei ia oe, na oe iho â ia iteie nei.' Te na ô noa ra te taata maitai, 'Eiaha, eiaha oe e tapea i te reira.' No reira aita vau i ite e, e nahea; mana'o ihora vau e haere e taoto; area ra ua paraparau noa te taata maitai e te taata ino e ua haapeapea noa raua ia'u; e teie nei e mea maitai roa vau i teie nei no te mea te faaho'i mai nei au i te moni."

MAHANA MAHA PITI

Te Moa Fanaua Faaroo Ore

I te hoê anotau te vai ra te hoê maiaa moa e rave rahi ta'na mau fanaua. Ua parau te maiaa moa: "Te vainei te hoê manu amu moa te haere noa mai i o nei, no reira ia pii atu vau ia outou a horo vitiviti mai i pihaiiho ia'u." Parau atura te mau fanaua e, "e na reira matou."

Ia tae a'era i te hoê mahana, a amu noa'i te mau fanaua moa, maue maira te manu amu moa. Pii atura te maiaa moa i ta'na mau fanaua e ua haavitiviti mai ratou i te horo mai i pihaiiho ia'na, maori râ te hoê. Na ô atura oia:

"E taima rahi teie e vai nei. Te mana'o nei o Mama e, e roaa vau i te manu amu moa. E taima rahi to'u e vai nei."

I taua taima ra noaa ihora oia i te manu amu moa e amu hia'tura oia. Na ô atura te mau fanaua moa: "Aue hoi to tateu taeae iti e! Ahiri oia i haamana'o ia Mama."

I te
na ma
ore i t
e te ta
rea ma
toa rat

A ar
atura
faraoa
peapea
Pah
"Aita
raoa n
Ua ma
faraoa

E m
tamara
ia veta
taata l
oia i t
ra o A

I te
iti tei

E m
mea h
I te ta
"Te r
Aita t
area r
Ua pa

I te
hi'o i
hi'o n
toe e
auahi
atura
tura i
hi'o n
roahia

MAHANA MAHA TORU

Te Aroha

I te taeraa i te mahana fanauraa o Mere ua titau oia i to'na mau hoa rii ia haere mai i ta'na tamaaraa. O Keneta tei ore i tae mai no te mea ua fati to'na avae e ua parauhia oia e te taote ia faaea i nia i te ro'i ia ora to'na avae. Ua area-reā maitai te mau tamarī i taua tamaaraa ra, area ua oto atoa ratou no te mea aita o Keneta i rotopu ia ratou.

A amu ai te mau tamarī i ta ratou faraoa monamona, ite atura te Mama o Mere ia Doroti i te hunaraa i te hoê vahi faraoa monamona. Anī atura te Mama o Mere: "Eaha te peapea e Doroti? Ua paia roa oe?"

Pahono maira taua tamahine iti ra, ma te reo mārū roa: "Aita. Ua mana'o hoi au e, e afai atu vau i teie vahi faraoa na Keneta, no te mea aita oia i tae mai i teie tamaaraa. Ua mana'o hoi au e, e oaoa oia ia ite oia e, no i o nei atu te faraoa monamona."

E mea here roa to tatou Metua i te ao ra i te mau tamarī tamaroa e te mau tamarī tamahine tei aroha e tei haamana'o ia vetahi ê. I roto i te Bibilia ua faaitēhia te aamu no te hoê taata here e te aroha noa. I te mau taime atoa ua tamata noa oia i te hamani maitai atu ia vetahi ê. E taua taata maitai ra o Aberahama ia. *Genese pene 13.*

MAHANA MAHA HOPEA

Piccola

I te hoê tau te ora ra, i te fenua Farani, te hoê tamahine iti tei parauhia o Piccola i pihaiho i to'na mama.

E mea veve roa raua, aita ta Piccola e pepe haavare, e e mea huru pinepine oia i te roohia i te toetoe e te poia rahi. I te taeraa i te tau Noele ua parau atura oia i to'na mama, "Te maere nei au e, eaha rā ta Papa Noële e afai mai na'u? Aita to'u e totini no te faatautau atu i te pae tahuraa auahi, area rā e tuu vau i tau na tiaa raau i nia i te tahua no'na. Ua papu roa ia'u e, eita oia e haamoe ia'u."

I te taeraa i te poipoi o te Noele, horo atura o Piccola e hi'o i to'na tiaa, e inaha te vai ra i roto te hoê mea iti tei hi'o noa mai ma te mata anaana. O te hoê manu iti tei toetoe e tei poia, o tei maue mai na roto i te haapupuraa au auahi e tei nee i roto i te tiaa ia mahanahana oia. Ou'au'a atura o Piccola ma te oaoa, haru atura i te manu iti, e tuu atura i nia i to'na ouma ma te parau atu i to'na mama: "A hi'o na, a hi'o na! E horoaraa no te Noele, ta'u tao'a i ho-roahiamai no te Noele."

Tamahanahana, faaamu e utuutu maite atura oia i taua manu iti ra e hope roa'tura te tau toetoe. I te taeraa mai o te tau mahanahana iriti atura oia i te haamaramarama ia mau e atu taua manu iti ra, area râ, haere atura taua manu ra i roto i te uru raau i pihai noa mai, hamani atura i ta'na ofaaraa i reira, e e mea pinepine roa to'na haereraa mai e himene i ta'na mau himene haamauruuru i te pae uputa o Piccola.

Te Ture No Te Tufaa Ahuru

U A riro te Tufaa Ahuru ei faito e ei ravea no te mau haamaitairaa e rave rahi ta to tatou Metua i te ra'i e ninii noa mai nei i nia ia tatou nei i te mau mahana atoa. Te haamaitai nei Oia ia tatou na roto i te mau mea atoa e vai nei ia tatou nei no to tatou oraraa, te mata'i ta tatou e huti nei, te maa ta tatou e amu nei, te fenua ta tatou e taahi nei, e te ahu ta tatou e oomo nei, oia hoi, te mau mea atoa te vai nei ia tatou nei, e mau haamaitairaa ia no ô mai i te Atua ra.

No reira, no te tamataraa i to' tatou auraa i te reira mau haamaitairaa, ua ani mai Oia ia aufau tatou Ia'na te *Ahuru* o te moni e noaa mai ia tatou ei *Tufaa Ahuru*, ei mau O, eiaha ra no te mea te hinaaro nei Oia i te reira, no te mea o te Atua iho te fatu no te mau mea atoa e vai nei, no te mea, e mea tia ia horoa, no te mau mea atoa. Na roto i te reira horoaraa e farii ia oia i te mau haamaitairaa tei faaineinehia na'na ra. E ere ana'e te Atua ta tatou e haamauruuru nei na roto i te horoaraa i te tufaa ahuru, te haamauruuru atoa ra tatou ia tatou iho no te mea te ite ra tatou e, te hi'o papu ra tatou i te oraraa nei na roto i te haapaoraa i ta te Atua i faaue mai, te faaamu atoa ra tatou i to tatou taata tupu o tei poia, no te mea ua veve a'e oia ia tatou.

Te tauturu atoa nei tatou i te paturaa i te mau fare pure-raa e te mau hiero, e a na reira'i tatou, te rave ra ia tatou i te hoê ohipa rahi tei faauehia mai e te Fatu ia ravehia, e to'na mau taata, i nia i te fenua nei, oia hoi, ia patu i te fare pureraa ia tia i te taata ia haaputuputu i reira no te haamoriraa i te Atua. Ia patuhia te hiero e i reira e ravehia'i te mau oro'a mo'a.

E i teie nei, e au mau taeae e au mau tuahine, ua ite tatou i te faufaa rahi no te reira, ia tia ia tatou ia hi'o i te reira pae o te oraraa ma te papu. E haamo'a tatou i to tatou oraraa, i roto i te Ekalesia, no te faahaereraa i te ohipa a te Atua i mua.

Aita'
te horo
te ture
te itera
haamo'
ra ia ta

No r
tou i te
e ia tau

Te fa
noa'tu
tatou v
aufau i
ratou o
Te m
i te hoc
Amaa.
e e hap
e hapo

I te
o Kenn
hoi, na
Area
a'e i te
maitai

Te fa
te tai'o
maitai

I roto
peete ne
Haurata
Evangelia
mairi a'

Ua ta
e, aita te
mau ta
mna.

Aita'tu e tapao rahi a'e no taua haamo'araa ra, maori ra te horoaraa i te mea i titaunia e te Fatu. No reira, e tufaa te ture no te *Tufaa Ahuru* no te Evanelia o te haamoriraa e te iteraa mau i te Atua. Ua na ô mai te hoê peropheta: 'Ua haamo'ahia te Tufaa Ahuru na te Fatu, e e mo'a atoa te reira ia tatou'.

No reira, e au mau taeae e au mau tuahine, ia horoa tatou i te reira ma te oaoa e te hinaaro mau no te ohipa rahi, e ia tauturu mai te Atua ia tatou ia na reira.

Papahia e Teriki Mataifano à Garihi

PARAU API NO TE MISIONI

PARAU FAAITE

Te faaitheia'tu nei, i te mau hoa atoa o te Heheuraa Api e, noa'tu te hoo rahi o te mau mea no te ve'a, eita te moni o ta tatou ve'a e afaihia i nia, no te mea, na te mau orometua e aufau i te moni tauturu no te neneiraa i te ve'a ei tufaa no ta ratou ohipa orometua i teie paeau moana nei.

Te mau taata te hinaaro i te faaapi e te mau hoa te hinaaro i te hoo i te ve'a, e haere ratou e farerei i te mau Peresideni Amaa. E farii ratou i te moni ma te horoa'tu i te parau peeraa e e hapono mai ratou i te mau i'oa i Papeete nei, e na matou e hapono atu i te mau ve'a.

I te 5 no Novema i mairi a'enei, ua haamaitahia te aiû ra o Kenneth Richards Stevens, Jr., na to'na iho metua tane, oia hoi, na Setefano Peresideni i haamaitai.

Area i to tatou mau fenua moana nei, e itehia ia oia i raro a'e i te i'oa ra o Maeva Tahiti Atopa, no te mea, i to'na haamaitairaahia, ua topa-atoa-hia i nia ia'na te reira mau i'oa.

Te faatae atu nei te Heheuraa Api, i to'na atoa mau hoa o te tai'o mai nei, i to'na aroha ia ratou no te hoe mahana Noele maitai e no te hoe Matahiti Api maitai roa a'e.

I roto i na ava'e no Atopa e no Novema i mairi a'enei, ua ho'i mai, i Papeete nei, te mau orometua ra o Horate G. Wilde, Farani D. Sanford e o Haurata A. Heusser mai te Tuamotu mai, te vahi ta ratou i poro haere i te Evanelia e i faaafaro haere i te mau ohipa o te Ekalesia i teie mau ava'e i mairi a'enei.

Ua tae mai te parau api, no Tubuai mai, tei faaite mai ia tatou e, noa'tu e, aita te Orometua papaa e tae faahou na i reira, te rave itoitp noa ra te mau taata maohi i ta ratou ohipa e te haere noa ra te ohipa a te Ekalesia i mna.

Ua ho'i mai i Papeete o Ioane Richards raua o Setanela Nance, orometua, na Takaroa mai. Ua teretere raua na Manihi, Ahe e Takapoto, e i to raua faaearea i Takaroa, ua haapii noa raua i te ohipa imiraa parau tuatapapa no te mau tupuna.

Te reva nei to tatou hoa orometua, o Levi Leatham, i to'na fenua ai'a. Ua rave itoitoe oia i te ohipa orometua i roto i na matahiti e toru a parahi ai oia i rotupu ia tatou nei, to te mau motu o te moana. Ua rahi te mau hoa ta'ina i farerei i to'na haereraa na Tubuai, na te Tuamotu e na Raiatea ma.

Tera mai te mau ohipa i ravehia i roto i te Amaa i Makemo, oia hoi, ua maitihia e ua faataahia o Kirianu â Mariteragi ei Peresideni no te Amaa, o Ipu â Tuarea ei tauturu hoê, e o Karotaio â Taamino ei tauturu piti e ei papai parau.—Ua maitihia e ua faataa-atoa-hia o Karotaio â Taamino ei Peresideni no te Feia Apî tane, e o Mahuta â Taamino ei tauturu hoê e ei papai parau.—E ua maitihia e ua faataahia o Taumatagi â Mariteragi ei Peresideni no te Pûpû Tuahine Apî.—O Ipu â Tuarea, ua maitihia e ua faataahia ia ei Peresideni no te Haapiiraa Sabati, area o Karotaio â Taamino ra, ua maitihia e ua faataahia ia ei tauturu hoê e ei papai parau.—Ua maitihia e ua faataa-atoa-hia o Taumatagi â Mariteragi ei tauturu hoê no te Pûpû Tuahine o taua amaa ra.

I roto i te Amaa i Taega ua faaapîhia te ohipa no te mau Tuahine, e ua maitihia e ua faataahia o Poura â Barff ei Peresideni no te Pûpû Tuahine no te monoraa ia Mapuna â Mahinui tei vaiihohia ma te haamauruuru no te mau ohipa tei ravehia e ana; e ua maitihia e ua faataa-atoa-hia o Poura â Barff ei Peresideni no te Pûpû Paraimere o taua amaa ra.

Ua maitihia e ua faataahia o Teapauraiterani â Flores ei tauturu hoê no te Pûpû o te Feia Apî tane, no te Amaa Ziona, i Tubuai.

Ua tae mai, i Papeete nei, o Tehina â Taufatua te Peresideni Amaa i Raraka, e ua faaite mai oia e, e mea itoitoe ratou i reira e te tupu maitai noa ra te ohipa i reira. Ua faaite atoa mai oia e, ua tae te rahiraa o ratou i Fakarava no te Amuiraa i reira.

PARAU API ORC'A

FAATOROARAA

I'OA	TORO'A	MAH. FAAT.	AMAA	NA VAI I FAATOROA
Temaui â Huri	Diakono	24-9-39	Faaite	Haurata Heusser
Tapoa â Hauata	Tahu'a	6-10-39	Mahu	Paora â Turina
Taroatetapu â Tupea	Peresi.	6-10-39	Mahu	Terihauata â Tupea
Teapauraiterani â Flores	Diakono	6-10-39	Ziona	Tinomana â Hauata
Tamu Hiro â Tufariua	Haapii	8-10-30	Takaroa	Ioane Richards
Viriamu â Turoa	Diakono	8-10-39	Takaroa	Taumata â Mapuhi

BAPETI

Tupuh
Tutara
Matapu
Tepapa
Matahi
Marau
Kaver

FANAUI

Eli Pai â
Teumere
Tenenev
Davita V
Viriamu

FAAIPO

Tanetup
Maro â T
Takua T
18

POHER

Tehara
Davita V

Ta

Oura. I
Nato. T
Oura. E
Nato. T
fa
Oura. T
Nato. A
Oura. E
Nato. A
Oura. E
Nato. A
e

BAPETIZORAA

I'OA	MAT.	MAH. BAP.	FENUA	NA VAI I BAP.
Tupuhoe Hoga â Kuranui	28	27-8-39	Marokau	Re McEntire
Tutarautua â Taverio	26	27-8-39	Marokau	Re McEntire
Matapuni â Teufi	37	17-9-39	Marokau	Rutena Allred
Tepapa â Terueke	22	17-9-39	Marokau	Rutena Allred
Matahina Maui â Maïroto	20	24-9-39	Ahe	Ioane Richards
Marau â Tapaga		6-10-39	Taega	Horate Wilde
Kavero Mahuta â Taamino	8	6-10-39	Makemo	Horate Wilde

FANAURAA

Eli Pai â Dexter, t. 13-8-39, Takaroa; m. t. Tiapou â Dexter, m. v. Marie â Mapuhi.
 Teumere â Mapuhi, v. 29-8-39, Takaroa; m. t. Taumata â Mapuhi, m. v. Vahinerii â Maire.
 Teneneva â Haumata, v. 6-9-39, Marokau; m. t. Tetuhua â Teragireva, m. v. Haumata â Kuranui.
 Davita Vunoro â Kirianu, t. 26-9-39, Makemo; m. t. Davita â Ganahoa, m. v. Roti â Kirianu.
 Viriamu Teuira â Tuairau, t. 11-10-39, Puen; m. t. Teuira â Tuairau, m. v. Tekeu â Mariteragi.

FAAIPOIPORAA

Tanetupuhoe â Tamatoa, t. e o Tepapa â Terueke, v. i Marokau te 8-3-39.
 Maro â Tohitika, t. e o Matapuni a Teufi, v. i Marokau te 23-3-39.
 Takua Turoa â Tahauri, t. e o Matahina Maui â Maïroto, v. i Takaroa i te 18-5-39.

POHERAA

Tehara Huiroto â Tumahani, v. 13-8-39, Hao, 30 matahiti e 1 ava'e.
 Davita Vunoro â Kirianu, t. 3-10-39, Makemo, 7 mahana.

Te Nato E Te Oura

Ta raua marôraa no nia i teie tama'i.

Oura. Ia ora na oe e Nato - eaha te parau rii apî?

Nato. Te tama'i maira i Europa?

Oura. Eaha te huru?

Nato. Te tutava maira Farani e Paratane no te paruru i te oraraa hau e te fanao o te ao nei.

Oura. Te aha maira hoi o Purutia?

Nato. Aita paha oe e faaroo nei i te radio e faaite maira i te mau huru atoa.

Oura. Eaha, e parau mau ta te radio?

Nato. Aita mau paha to oe e roro i roto i to oe upoo.

Oura. E roro atoa anei to oe?

Nato. A ani na i te feia hi e te amu nato, e a ani na i te feia táipu, te patia e te amu oura.

- Oura. Eaha ra hoi ia to te reira ?
- Nato. No reira to oe poiri e to oe vare ore i te parau-tia.
- Oura. Ta vai hoi te parau-tia ?
- Nato. Ta to taua hoi ia Hau Metua.
- Oura. O vai ia Hau Metua ?
- Nato. O Farani hoi ia.
- Oura. E o Purutia hoi, e Hau ino anei ia ?
- Nato. Ane to oe poiri e Oura iti e!
- Oura. Eaha te tumu oe i na reira mai ai ?
- Nato. Auua hoi te ture maitai a Farani i ore roa'i te pupuhi-paura-raa ia tatou.
- Oura. Eaha hoi; eita oe e mau i te mätou a te feia ravaai nato ?
- Nato. O te mau nato ia e amu mata ara ore noa i te mätou ta manu-haavare-hia. Area te nato mana'o ara mai ia'u te huru, eita ia e vare noa i te manu ta mätouhia. E imi ä ia vau i te manu papu mai te imi atoa vau i te parau mau.
- Oura. Mea maitai roa a'e ia vau; eita vau e amu i te mätou ta manu-haavare-hia.
- Nato. E hoa a'era e Oura - mea ino roa'tu hoi oe - no te mea e peu otohe ta oe, e peu tapunipuni ta oe no to oe poiri roro ore. No reira oe te roaa i te tavae e i te auri.
- Oura. Eaha e tia'i ia oe ia parau mai i te reira huru parau ?
- Nato. No te mea, ahiri to oe e roro, e ahiri oe e farii i te parau-tia, eita ia oe e parauhia i te piri Purutia.
- Oura. Eaha hoi te ino i te piri Purutia ?
- Nato. E mahiti roa ia to oe paa!
- Oura. To vai hoi te paa i mahiti ?
- Nato. To te mau oura i Purutia.
- Oura. E oura atoa to Purutia ?
- Nato. O te afa rahi o te nunaa Purutia na roto i to ratou vare ore i te parau-tia e na roto i to ratou pouri i te vare-hape-raa i te faatereraa Nazi a Hitler, mai ia oe atoa te huru.
- Oura. E nato atoa anei to Purutia ?
- Nato. O te tahi ia paeau Purutia o tei ore i farii i taua faatereraa teiaha ra.
- Oura. E mau haavare paha ta oe; e eita vau e farii i ta o'e parau.
- Nato. E hoa e Oura - a haere ia Purutia - eiaha oe e faaea faahou i nia i to Farani fenua. Na vai oe i haamaramarama - na vai hoi oe e paruru nei - na vai hoi oe i here - teihea to oe mau tamarii te haapii-raa-hia ? A haere roa na i Purutia e tamata i te huru i reira. Ua ite te Purutia iho, ua ite te Autiritia, ua ite te Teheco e ua ite te Polane - e mai te mea e tae oe - e ite atoa ia oe.

E te feia tai'o e, teie te auraa o teie faahohoaraa:

Te Nato ra, o te feia farii ia i te parau-tia a to tatou Hau Metua.

Te Oura roro ore ra: o te feia ia i o tatou nei e farii noa ra, mai te poiri, i te haavare a Purutia Hitler.

RURU

Ua ite

tumu i tu
ni e Para
tler e to
mana'o i
henehe a
tupu e i

I mua
râ ia te f
te tiaoro
puai hau
puai no t
e haruru
Mussolin
fafa i te
feruriraa
te hoê ta

Aita a
te mau U
te oraraa
imi i te r
toto taat
e tupu fa

No to
ra Purut
atura M
vî i man
Ua faren
ru i mua
mau rav
e Ethiop
ta Itaria
hi faeha
e area te

E taua
vahi ate
roaa na
taua tan
Itaria. I
i Autirit
i mua i t
Autiritia
Purutia
rau e, e
detes. U
poo faat
hiao'i o
ta'na i k
to Chan
Teheco
nureva
o Tcheco
riihia te

TE MAU PARAU API

O te vetahi teie tuatapaparaa no nia i te tama'i tupu api. Ua ite to te ao taatoa nei e, o te faatereraa Nazi a Hitler ia Purutiu te tumu i tupu ai taua tama'i ra. Ua ite to te ao taatoa nei e, ua tamata Farani e Paratane i te arai i taua tama'i ra. Ua ite to te ao atoa nei e, aita Hitler e to raro a'e ia'na i fariu mai i nia i te mau parau mārū e te haamārū mana'o i tae i mua i te Upoo'o Purutia, oia hoi o Hitler. E no reira e nehenehe atoa ia tatou, to Oteania nei, ia tuu i nia i te faito i te mau huru i tupu e i te mau huru e tupu nei.

I mua a'enei, aita'tu e huru i itehia e i faarookia na Purutia mai, maori râ ia te faaino, te faahape, te haamāta'u e te haav'i ia vetahi Basileia. Mai te tiaoro Hitler, e to'na apiti o Mussolini e, to Purutia e to Itaria ana'e te puai hau a'e - ta raua ana'e te feruriraa tia, tei ia raua ana'e te mau ravea puai no te aro i tei patoi atu. E ia haruru ta Purutia mau pupuhi fenua - e haruru atoa'i ta Itaria atoa mau pupuhi fenua. Ua na roto hoi Hitler e Mussolini i to raua mono Hau e i ta raua pueraa espions (matahuna) te fafa i te mana'o e i te huru i roto ia Farani e ia Paratane, oia hoi, eaha te feruriraa o te mau Upoo faatere e o te na nunaa farani e paratane no nia i te hoē tama'i, mai te mea e tupu noa'tu te reira.

Aita atu hoi e parau, e mana'o e e hinaaro i roto i te vaha e i te aau o te mau Upoo e o na nunaa farani e paratane - maori râ, o te oraraa hau e te oraraa fanao. E aita'tu ta Farani e ta Paratane tutavaraa, maori râ ia, te imi i te mau huru ravea mārū e te haamārū atoa ia ore e manii faahou te toto taata, ia ore te ao nei ia veve faahou, ia ore hoi te mau peu no tahito e tupu faahou i teie tau maramarama.

No to Hitler maite-papu-raa i taua mau huru ra - ua tiaturi maitai atura Purutia e Itaria e, e manuia ta raua mau opuaraa ri'ari'a rahi. Na mua atura Mussolini i te tamata i te haru noa ia Ethiopia - aita râ te ravea haav'i i manuia. Ua patoi mai te ereere i te nuu Itaria ta mauhaa api e te ino. Ua farerei te Itaria i te ati e tae noa'tura i te taime no te vîraa te paruparu i mua i te puai. Aita mau ta te nunaa Ethiopia e mauhaa aifaito i te mau ravea tama'i api o teie tau. No te reira tumu i hau ai te tama'i Itaria e Ethiopia. E ere râ i te rê faahiahia na Itaria, no te mea, te rahi noa ra ta Itaria hopoia teiaha na roto i te vaiihoraa'tu i Ethiopia i te hoē nuu rahi faehau tia'i no te paruru i te tufaa fenua roaa i te Itaria, no te mea, aita e area te tupaihia te Itaria e te Ethiopia.

E taua tufaa fenua Ethiopia ra, aita i hoona te ati o Itaria, no te mea, e vahi atea, e vahi veavea e e vahi tano ore no te papaa, e no te mea e tufaa roaa na roto i te rahi te toto Itaria i manii, e te rahi hoi o te moni i pau no taua tama'i ra. E i muri a'e ia Ethiopia o Alabania ia tei haru-atoa-hia e Itaria. I muri a'e i te ati o Ethiopia e Alabania i te Itaria - ua haru Hitler i Autiritia, te Basileia tapiri atoa ia Purutia. Aita ta to Autiritia e ravea i mua i te puai ineine o Purutia e ta te Nazi hoi haavare. I muri a'e i to Autiritia ati - ua na reira atoa Purutia ia Tcheco. Mai teie râ te huru o ta Purutia nanaoraa ia Tcheco - ua titau Hitler i te afaraa o Tcheco mai te parau e, e huiraa'tira purutia te afa rahi i roto i taua tufaa ra parauhia: Sudetes. Ua tae roa Daladier, te Upoo faatere o Farani, e Chamberlin, te Upoo faatere o Paratane, i Purutia no te faaafaro na roto i te mārū i taua hiaa'i o Hitler ra - e na roto i ta Hitler tāpu e, o taua ana'e tufaa fenua ra ta'na i hinaaro e mārū ai taua hiaa'i no'na ra - e na roto â i to Daladier e to Chamberlain hinaaro ore ia manii te toto taata - e na roto hoi i te atea o Tcheco ia Farani e ia Paratane, e na roto i te rahi o te nuu faehau e te manureva Purutia i vai ineine noa no te tupai i to Tcheco, ua feruri te Upoo o Tcheco, o Daladier e Chamberlain, e no te faaherehere toto taata, ua fariihiia te hinaaro o Hitler.

Ua ho'i Daladier i Farani, ua ho'i Chamberlain i Paratane mai te mārū to raua mana'o na roto i to raua vareraa i te tāpu a Hitler. Ua tupu hoi te mārū o te mana'o o te mau Basileia atoa na roto i te otiraa taua peapea ra i te ravea o te aumaite.

Aita noa iho i maoro i muri a'e i taua tāpu ra; ua haru hoi Hitler i te toea o Tcheco. I taua taime ra te tupuraa te inoio e te ite-papu-roa-raa to te mau Basileia atoa e, e taata haavare numera hoê mau Hitler. O te huru atoa ia i roto i Tcheco - e mea ri'ari'a roa te huru i tupu i reira na roto i te rahiraa huiraatira Tcheco taparahi-haapobe-hia e te purutia, e na roto i na tauatini Tcheco e rave rahi e tapeahia ra e te purutia i roto i te mau aua tapearaa tane, te vahine e te tamarii. E te reira huru, tei Autiritia e i Purutia atoa te tupuraa.

I muri a'e i te ati o Tcheco - ua titau Hitler i te tufaa fenua Polane ra tei reira te oire pae moana Dantzig - tufaa faataahia e te mau Hau Amui no te mau Hau atoa. Ua ite hoi tatou na roto i te mau radio e i te mau ve'a faaite i te huru i tupu no te reira i nia i te nunaa Polane. Aita atoa hoi Hitler i haapao i te parau fafau e i ta'na iho tāpu i mua'tu e, eita roa Purutia e aa e, e tupai ia Polane - e aita roa e vai ra te tumu no te reira. Ua ofati Hitler i te parau fafau, ua haapae Hitler i ta'na iho tāpu - e ua totoā hoi i te hoê nunaa hara ore o tei tamata i te paruru i to ratou ai'a. Ua tai'o tatou i te hopea o taua Hau iti ra e o taua nunaa aroha rahi ra.

E i te taime a farerei ai Daladier e Chamberlin ia Hitler e Mussolini, i Purutia, no Tcheco i teie matahiti 1938 i mairi a'e nei - ua tāpu atoa Hitler e, aita roa ta'na e opuraraa i nia ia Alsace-Lorraine, te tufaa atoa o Farani tapiri roa i Purutia, oia hoi, te tufaa nounou-tahito-hia e Purutia e o tei mahere ia Purutia i roto i te tama'i i te matahiti 1870 ra, e o tei roaa faahou ia Farani i roto i te tama'i rahi i mairi a'enei. Tapea noa'tu ai Purutia i taua tufaa ra, ua faaoromai te nunaa Alsacien e te Lorrain i te faatereraa teiaha a Purutia e 40 matahiti - aita to taua huiraatira ra here ia Farani i ore. Ua tupu hoi te himene i taua tau ra - oia te himene i himene-atoa-hia e tatou e, e to tatou mau tamarii i te fare haapiiraa i o tatou atoa nei. Te na ô ra te tahi tuuraa reo i roto i taua himene ra:

"Vous avez pris l'Alsace e la Lorraine; mais malgré tout nous restons Français." Teie ia te auraa na roto i to tatou reo: "Noa'tu ta oe haruraa, e Purutia, i to matou ai'a Alsace e Lorraine - e vai nunaa Farani noa matou."

Na teie mau huru e haapapu mai e, eita iho â tatou e rata i ta te Purutia huru faatereraa. O te Purutia ana'e te nehenehe ia amo i te teiaha o te faatereraa Purutia - eiaha te tahi atu nunaa. Teie â te tahi tapao faaite e, e faatereraa teiaha e te ino rahi; te faatereraa Nazi a Hitler, eita te mau nunaa o te mau fenua aihuarau Purutia no mutaa iho, o tei riro mai i te mau Hau Amui i muri a'e i te tama'i rahi 1914-1918, e hinaaro faahou ia Purutia ei Hau Metua no ratou, no te mea, ua vai tîti roa vera i raro a'e i taua huru faatereraa ra i raro a'e i te faatereraa a te Kaiser - e i teie nei ua tupu i o ratou te TIAMARAA - te AITAHOERAA - e te AUTAEERAA. Aita hoi ratou e amo faahou ra i te ture faautua ohipa, aita hoi ratou e tai-iri-faahou-hia ra i te raan e aita hoi to ratou tohe e tue-faahou-hia ra i teie nei.

Te vai atura te mau tapao e rave rahi

I teie râ taime e tuatapapa tatou i te mau huru e mataitaihia nei e tatou atoa. Te tahi atoa tumu tiaturi-rahi-hia e Hitler ma, maori râ ia te tahoê ore te mau taata Farani atoa no te paruru faahou i te ai'a Farani, mai te tiaturi Hitler e, ua taero mau te mana'o o te tahi paeau taata i ta'na mau parau haavare i poro, e e poro noa ra.

E hap
nunaa F
paari et
ao taato
parau-ti

Teie t
faataara
mau mal
e o te ho
diterane
ere te va
danelles
mana'o o
o to Run

Eita't
ma. E n
nuu uta
rahi ra-
te faaho
he ia tah
Turetia
ma'i rah

Ua ho
te parau
ume atu
fafa hoi
A ite râ
ua patoi
fau i fer
ua mārū
aita'tura
oia hoi,

Ua fa
tama'i.
neheneh
Ua oreru
i tupu ai
o Parat
tahoê a

Teihe
Hitler p
haavî ?

Aita l
ha e afa
Farani
e rau ta
te otia l
huaraau
hoi Par
Aita ho
i papai
ro ai tei
a'e mac

E hape rahi atoa ta Hitler tiaturiraa i nia i te reira - inaha, ua riro te nunaa Farani ei hoê. Ua riro te nunaa Farani e te nunaa Paratane ei niu paari etaeta maitai - ua fariu mai hoi te mata, te mana'o e te aau o to te ao taatoa nei i nia ia Farani e Paratane, te niu tahi, te niu aueue ore o te parau-tia.

Teie te tahi tapao hau a'e o te haapapu mai ia tatou e, oia mau â teie nei faataaraa. Ua tahoê mai te Basileia Turetia ia Farani e ia Paratane i teie mau mahana i mairi a'enei. O te hoê tera maitai rahi hau ê no tatou atoa e o te hoê tera ati rahi no Hitler ma, no te mea teie paeau o te moana Mediterane Turetia te tiaraa - tei te paeau o te purumu haere i te moana Ere-ere te vairaa o Turetia. O Turetia te fatu o te oo'a paari faito ore o Dardanelles. E na roto i te tahoêraa mai Turetia i to tatou paeau, ua marû te mana'o o to Turetia iho - o to Heleni - o to Bulutaria - o to Yugoslavia - o to Rumania e o to Syria ma hoi.

Eita'tura e tae ohie atu na reira te rima nanao e te viivii toto o Hitler ma. E na roto i taua na reiraraa o Turetia ra, ua ohie roa te purumu o te nuu uta e te nuu moana o Farani e Paratane no te tii tauturu i taua paeau rahi ra—tupu noa'tu ai te ino tama'i i te reira atoa paeau. E e tapao faai-te faahou to Turetia na reiraraa e, aita e Basileia, e aita e Nunaa e nehenehe ia tahoê e ia rata i te faatereraa Nazi a Hitler ia Purutia. Ua ite papu Turetia i te reira, no te mea no te paeau o Purutia o Turetia i roto i te tama'i rahi 1914-1918 ra, a mau'a faufaa ore ai te toto o te nuu Turetia.

Ua hope ta Purutia tutava, aita Turetia i vare faahou - i o nei e tano ai te parau ra e, Ua paia roa Turetia ia Purutia. Ua tamata atoa Rutia i te ume atu ia Turetia i to'na pae - ua tae te mono Hau Turetia i Rutia - ua fafa hoi taua mono Hau Turetia ra i te mau faataaraa faanahobia e Rutia. A ite râ taua mono Hau Turetia ra e, e opuaraa faaapiapi atoa ta Rutia - ua patoi e ua ho'i te Turetia i to'na ai'a, mai te haamana roa i te parau fafau i ferurihia i mua'tu i rotopu ia Farani, Paratane e Turetia. E i teie nei ua mârû te hopoia a to tatou mau faatere paeau Ohipa Tama'i - no te mea aita'tura ia e mana'ona'o-faahou-raa no te tiaraa i taua paeau aano ra, oia hoi, te paeau fenua e te paeau moana.

Ua faaitohia'tu outou e, ua ani Hitler ia Farani e Paratane e, ei hau teie tama'i. Ua faaito-atoa-hia'tu e aita Farani e Paratane i farii, e eita mau e nehenehe ia farii. Teie ia te huru i tupu na roto i te manuia-ore-raa o Hitler. Ua orero Hitler i mua i te nunaa purutia mai te pari e, o Paratane te tumu i tupu ai teie tama'i e na Paratane i arato ia Farani i roto i teie tama'i; e o Paratane te tumu i patoi ai Polane ia Purutia; e o Paratane te tumu i tahoê ai Purutia ia Rutia - e e rau atu â pariraa.

A feruri rii ana tatou atoa!

Teihea atura te parau a Hitler no ta'na pupuhi fenua? Teihea atura ta Hitler parau no te puai hau a'e o te nuu purutia? Teihea atura ta'na mau haavi? Teihea atura to'na teoteo aito ra?

Teie ia ta tatou pahonora:

Aita hoi Hitler i haapao mai i te aniraa mârû a Farani e Paratane e, eiaha e afai roa to'na mana'o i nia i te ravea tama'i haapohe taata. E ere hoi Farani i te tamarii a pee ai oia i te aratoraa a Paratane. Ua ite Farani e, e rau ta Hitler mau opuaraa i nia ia Farani no te mau vahi faufaa na nia i te otia Farani e ia Alsace-Lorraine hoi; e te nounou o Hitler i te mau ai-huaraa purutia mahere ia Farani ma a 25 a'enei matahiti. Ua ite papu hoi Paratane e, e ati atoa oia mai te mea e manuia ta Hitler mau opuaraa. Aita hoi Hitler i mutamuta e i faata'ita'i i mua a'enei - teihea atura ta'na i papai i roto i ta'na puta Aveia "Mein Kampf" ra - e aita'tu e mea e afaro ai teie nei ao maori râ ia te PUA I O TE O'E. E aita'tu e Basileia hau a'e maori râ ia o EREMANI NUI, oia hoi o Purutia.

Teie te papuraa:

Ua ite maitai Hitler, taua aito tito pae fare ra, i teie nei e, ua iri to'na pahi na roto i te ino o ta'na Aveia (Mein Kampf) taviriviri e na roto i te mata'i rorofai farereihia e taua pahi no'na ra. E te vai nei te mahana e pari atoa'i Hitler e na to raro a'e ia'na te hape i tomo ai oia i roto i teie tama'i. Ua pupuhi a'enei â Hitler i te vetahi tenerara Purutia, e hoa iho te tahi no'na, no to ratou patoiraa i ta'na mau opuaraa ino rahi. E te vai atoa nei te mahana e na reira faahou ai oia.

E i teie mau mahana ua parau faahou Hitler i mua i to'na nunaa Purutia e, e parau fafau ino faito ore te Fafau Versailles—oia hoi, tei faaotihia e te mau Hau Amui e te mau Enemi i muri a'e i te tama'i rahi a vî ai Kaiser te Upoo Purutia i mua'tu ia Hitler. Ua tai'o hoi to te ao i te huru o taua parau fafau ra—ua tai'o atoa hoi to te ao nei i ta Purutia parau fafau i haapapai ia Rutia e ia Rumania i roto i taua tama'i rahi ra.

Teie ia te huru o na Fafau e Piti:

Te parau fafau faanahohia e Farani ma i muri a'e i te tama'i rahi 1914-1918 e o tei farii papuhia hoi e Kaiser ma—o te hoê ia parau fafau feruriahia e te mau Upoo maramarama e te aravihi e te hinaaro ore ia tupu faahou te hoê tama'i. Area râ te parau fafau ta Purutia i haapapai ia Rutia e ia Rumania o te hoê ia fafau opuaraa na te mau Upoo opua totoâ nunaa e te haru faufaa a vetahi ê. Ua i te mau ve'a o taua tau ra i te ino ri'ari'a faito ore i tairihia i nia i te nunaa Rutia e Rumania i muri a'e i te manaraa taua parau fafau ra. Area, te huru i tupu i muri a'e i te tama'i rahi e i muri a'e i te otiraa te Fafau Versailles—o te oraraa hau e te fanao ia tei fâ mai na nia i te mau Basileia atoa.

O teihea atura ia te parau fafau maitai?

Teie tei neneihia na te mau ve'a Hau êê. E Paradaiso te parau fafau a Farani ma. E Hade te parau fafau a Purutia, Rutia e Rumania. E e oia mau â hoi—no te mea i muri a'e i taua tama'i rahi ra, ua faatoro Farani ma i teie nei ao na nia i te aratia o te au maite; area o Purutia ra—ua ho'i faahou oia i nia i te aratia tarahia e te HUNS e e Bismark ma—te mau upoo nanao e te mau upoo tupai nunaa hara ore. Aita ê â e eita te huru o te Purutia faatere e tau—aita ê â te huru nounou o Purutia i ore. Te ite faahou nei te ui paari e te mau ui apî o te ao nei i taua huru ra.

E teie ta tatou atoa feruriraa:

E nehenehe noa ia Purutia ia haavare i te tahi afaraa o te ao nei i te mau taima atoa. E nehenehe atoa hoi ia Purutia ia haavare i te ao taatoa nei i te tahi mau taima. Eita râ e nehenehe ia Purutia ia haavare i te ao taatoa nei i te mau taima atoa.

E oia mau iho â hoi.

No te mea eita to te ao nei e farii faahou i ta Hitler mau parau. No te mea eita to te ao nei e amui atu i te faatereraa Nazi a Hitler ia Purutia. No te mea eita to te ao nei e hinaaro e tauturu i te paeau o Hitler. E no reira te teiaha ra te nunaa Purutia i teie nei—e te huanane ra hoi te Faatereraa Hitler. E ia hi'o-noa-hia'tu, e au ia Hitler i teie nei i te hoê taata i mua i na ofaaraa rahi manu patia.

RURU

Te hoo: e 5 farane i te matahiti; e 10 fr. no na matahiti e 3.

Neneihia i roto i te Piha Neneiraa a te Ekalesia a Iesu Mesia I Te Feia Mo'a i Te Mau Mahana Hopea Nei, Papeete, Tahiti.

*Marcel Bonnet Gérant. K. R. Stevens, Imprimeur. Uel C. Hunting, Editeur.
Rue Dumont d'Urville, Orovini, Papeete, Tahiti.*
